

SCRIPT OF MORNING GOJRI NEWS BULLETIN 18DEC 2025 1015HRS

مارننگ گوجری نیوز بولٹن 18 دسمبر 2025

یوہ آکاشوانی جموں ہے باغ علی طاہر تیں خبر سُنو۔

LG SMF CONF

لیفٹیننٹ گورنر منوج سنہا نے سال 2047 توڑی وکست بھارت بنان غی خاطر منصوبہ سازی تے حکمت عملی اپنان بارے کل آئی آئی ایم جموں مانہ منعقدہ سٹریٹجک منجیمنٹ فورم کانفرنس سنگ خطاب کیو یاہ 3 روزہ کانفرنس انڈین انسٹیٹیوٹ آف منجیمنٹ آئی آئی ایم جموں غی طرفوں ایس ایم ایف تے این آئی ٹی آئی آیوگ غا تعاون سنگ منعقد کی گئی ہے اپنا خطاب مانہ ایل جی موصوف نے اپنا خطاب مانہ بھارت غے باندے للکاراں تے موقعان غو ذکر کرتا واں کہیو جے تیزی سنگ بدلتی دُنیا مانہ منصوبہ سازاں تے کاروباری لیڈراں غا کردار غی اہمیت وی بدھ گئی ہے اُن غو کہنو تھو جے ہم نانہ بڑی اقتصادی استحکام تے تعلیم تے صحت سیکٹراں مانہ بڑا پیمانہ ور سرمایہ کاری غی لوڑ ہے۔

LG DELEGATIONS

لیفٹیننٹ گورنر منوج سنہا سنگ کل بکھ بکھ وفداں نے ملاقات کی ہے سابق سکھنندن چوہدری غی قیادت مانہ ضلع جموں غا لکیال مڑھ گراں غا بسنیکاں غو اک وفد لیفٹیننٹ گورنر سنگ ملاقی ہوو کشمیر غا اقلیتی طبقہ غا ملازماں غی ایسوسی ایشن آل مانارٹریز ایسوسی ایشن کشمیر غو اک وفد ایسوسی ایشن غا صدر سچے کول غی قیادت مانہ ایل جی سنگ ملاقی ہوو تے اس توں علاوہ اکھل بھارتیہ ودیارتھی پریشد غا اک وفد ے وی اپنا تنظیمی سیکرٹری تلک ٹھاکر غی قیادت مانہ لیفٹیننٹ گورنر سنگ ملاقات کی۔

Dy CM ROAD PROJECTS

نائب وزیر اعلیٰ سریندر چوہدری نے کل 10 کروڑ 27 لکھ روپیاں غی لاگت سنگ تیار کیا گیا سڑک پروجیکٹاں غو افتتاح کیو یہ سڑک جموں ضلع غا بھلوال علاقہ مانہ تعمیر کی گئی اُنہاں نے جولی اسمبلی والا مانہ نواں پُل ور تعمیر کی گئی 2 عشاریہ 5 صفر کلو میٹر تے دھرم کھوہ غا مقام ور تعمیر کی گئی 1 عشاریہ 1 صفر کلو میٹر لمی سڑک غو افتتاح کیو نائب وزیر اعلیٰ نے استوں علاوہ گھروٹہ علاقہ مانہ بھیڑا تیں سوہکا توڑی تعمیر کی گئی 1 عشاریہ 25 کلو میٹر لمی رابطہ سڑک غو وی افتتاح کیو اُنہاں نے لفٹ ایریگیشن بٹیہڑا تیں پنچائیت کھر بیڑھا توڑی بچھائی گئی 2 عشاریہ 5 صفر کلو میٹر لمی اک ہور سڑک غا افتتاح تیں علاوہ لوور امب علاقہ مانہ رنبیر نہر ور تعمیر کیا گیا 22 میٹر لما دوپالی پُل غو وی افتتاح کیو۔

ARMY LOGISTICS MILESTONE

بھارتی فوج غی طرفوں اک بڑی حصو لیابی غے تحت وادی کشمیر اک خصوصی فوجی ریل گڈی غے ذریعے ٹینک تے توپ پُجائی گئی این آکاشوانی جموں غا نمائندہ نے جانکاری دیتا وا دسیو ہے جے اس حصولیابی سنگ بھارتی فوج غی ملک غا شمال غا آخری کونہ توڑی اعلیٰ سطح ور نقل و حرکت تے فوجی صلاحیت غو پتو چلے بھارتی فوج نے یاہ صلاحیت گزشتہ 16 دسمبر نانہ حاصل کرلی ہے تے اس بارے جانکاری ایکس ور محکمہ دفاع غا پی آر او نے سانجی کی ہے پوسٹ مانہ دسیو گیو ہے جے توثیقی مشق غا اک حصہ غا طور ور ٹینک توپ خانہ تے ڈوزر کامیابی سنگ جموں تیں وادی کشمیر غا اننت ناگ توڑی پُجایا گیا این۔

SANTOSH TROPHY ROW

ویں سنتوش ٹرافی قومی چیمپینشپ مانہ شرکت غی خاطر فٹ بال ٹیم غا چناوی 79 عمل مانہ ہوئی مبینہ ہیرا پھیری غو پتو لان غا سلسلہ مانہ کھیڈ معاملن غا وزیر ستیش شرما غی طرفوں دتی گئی یقین دہانی غے بعد جموں کشمیر سرکار نے جے اینڈ کے فٹ بال ٹیم غا کھیڈاریاں نانہ چنیا جان غا عمل غو پتو لا بارے اک اعلیٰ سطحی تحقیقاتی کمیٹی قائم کردتی ہے آکاشوانی جموں غا نمائندہ نے جانکاری دیتا وا دسیو ہے جے کل نوجواناں غی خدمات تے کھیڈاں بارے محکمہ غی کمشنر سیکرٹری یشامڈگل غی طرفوں جاری کیا گیا اک سرکاری حکم نامہ غے مطابق اس کمیٹی نانہ کھیڈاریاں نانہ چنیا جان غی مکمل تحقیقات غو کم سونپیو گیو ہے۔ تانجے حقائق غو پتو لایو جاسکے اس تحقیقاتی کمیٹی نانہ آئندہ 7 روز غے اندر اندر اپنی رپوٹ پیش کرن غی ہدایت کی گئی ہے۔

DC JAMMU ESZ

جموں غا ڈپٹی کمشنر ڈاکٹر راکیش منہاس نے کل جموں مانہ ضلع سطح کی کمیٹی غی اک میٹنگ غے دوران رام نگر وائلڈ لائف سینچری غا ماحولیاتی حساس ذون واسطے ڈونل ماسٹر پلان گو جائیزو لیو میٹنگ غے دوران ان حیاتیاتی پناہ گاہاں گا ماحولیاتی توازن نانہ قائم رکھتا واں نواحی علاقن مانہ پائیداد ترقی نانہ یقینی بنان ور غور کیو گیو میٹنگ مانہ بولتا واں ڈپٹی کمشنر نے اس خاطر طے شدہ ضابطاں غی عمل آوری غی اہمیت ور زور دتو اُنہاں نے متعلقہ افسراں ور زور پایو جے وے ان پناہ گاہاں مانہ غیر قانونی سرگرمیاں ور مکمل روک لان غے نال نال قانونی طور ور جاری سرگرمیاں ور وی نظر رکھتا واں رام نگر وائلڈ لائف سینچری غے آس پاس ماحولیاتی تنزلی ور روک لان نانہ یقینی بناویں۔

WEATHER

جموں تے کشمیر خطہ غا درجہ حرارت مانہ کل کمی دیکھی گئی محکمہ موسمیات غی تازہ جانکاری غے مطابق 20 دسمبر دیر رات تیں 21 دسمبر غا تہاڑی توڑی کشمیر خطہ غا اُچا علاقن مانہ ہلکی توں درمیانہ درجہ غی برف پین غا امکان ہیں۔ آکاشوانی جموں غا نمائندہ غے مطابق، سرینگر شہر غو کھٹ تیں کھٹ درجہ حرارت

منفی 1.6 ڈگری سلسیشن ریکارڈ کیو گیوجہڑو کل منفی 1.8 ڈگری تھوجموں خطہ
مانہ جموں غو درجہ حرارت 9.0 ڈگری سلسیش ریکارڈ کیو گیو۔
